



**SEYCHELLES
NATIONAL PARTY**

Nouvo **Vizyon**

Newsletter - Vol. 20 Nimerò 16 (17 Novanm 2011)

SNP: Touzour For e Relevan

Partou kot ou pase ozordi dimoun i Prekonnet ki letan SNP ti dan Lasanble Nasyonnal, lenter e sa pep ti ganny met devan e ganny defann. Ti napa okenn size ki afekte dimoun ki nou pa ti koz lo la e esey pous gouvènmàn pou revwar zot desizyon dan lenter e sa pep Seselwa. Nou ti debout for pou rod drwa sak Seselwa e pou kas okenn striktir ki ti en lobstak. Se gras a SNP dan Lasanble Nasyonnal ki Seselwa ozordi pe zour en kantite benefis ek lavantaz. I malere, me ozordi Lasanble pa defann lepep, me zot prop lenter e.

SNP - En lopoziyon brav

Koman en parti dan lopoziyon, nou ti debout brav. Letan gouvènmàn ti vin avek move lalwa, nou ti lager ziska zot ti retir sa bann lalwa, oubyen fer bann lamannmàn neseler. Sa letan in fini. Ozordi letan Madanm Potter i dir zot lev zot lanmen, tou i fer sa trankilman parey bann mouton, oubyen bann zanfan lakres ki pe fer sa ki miss in dir zot. Avek SNP ti napa sa kalite simagri. Nou ti brav e menm si Speaker Herminie ti fer bay, letan ti'n ariv ler pour nou anvoy li lo son montanny nou ti fer li, menm si i ti koup nou lapey.

SNP - en parti lide

SNP i en parti politik ki ti pare pou anmenn lide dan lenter e lepep. Tou dimoun, enkli bann SPPF/Parti Lepep, i rekonnet ki SNP in anmenn en kantite bon lide pou fer sa pei avanse e pour travayer ganny en pli bon deal. Malgre ki letan nou anmenn sa bann lide, zot ti ganny rezete, i pa ti pran bokou letan pour sa bann menm dimoun reanmenn zot e adopte zot konmsi sete zot lide. Tou sa in ede pou soulaz soufrans sa pep, e amelyor zot lavi. Nou'n partaz nou lide pour byenet tou.

SNP - En parti touzour For

Moto nou parti se 'Nou Pa Pou Zanmen Les Tonbe!' Sa i reste sa slogan ki donn nou sa kouraz pou debout pour lepep Seselwa. Malgre tou bann trik, kalonmni ek malis ki nou eksperyanse, nou pa dekouraze, akoz pour nou se lepep Seselwa ki konte. Nou konnen ki tou sa bann mansonz en zour pou disparet e Seselwa pou nepli viv dan lafreyer, me plito dan en pei kot tou dimoun pou ganny respekte. Nou pe debout afen ki tou Seselwa i epanoui e ganny rekonnet dan son pei Sesel. Alor nou kouraz i solid e nou determinen.

SNP - Touzour Relevan

Frer ek Ser Seselwa, SNP i reste sa parti ki kontinyen adres bann size nasyonnal ki konsern nou tou. Ozordi nou pa dan Lasanble, me nou pe kontinyen fer nou travay e nou pe met presyon kot i neseler. Nou pa pou zanmen les nou pei retourn dan en sitiasyon kot gouvènmàn i fer sa ki i anv. Nou kontinyen defann tou dimoun e montre bann koripsyon ek bann latitud ki pa bon dan nou pei. Nou reste relevan e nou pou kontinyen fer tandè lavwa tou dimoun dan Sesel. Sesel i nou pei, e tou Seselwa i devret ganny menm sans.

**KONVANSYON SNP
20 NOVANM 2011**

**Tou manm ek siporter SNP i ganny envite pou
asiste Konvansyon parti ki pou fer
Dimans 20 Novanm, 2.30pm,
Sant Konferans Enternasyonnal.**

**Pandan sa Konvansyon pou annan eleksyon
Komite Ekzekitiv Parti e nou pou osi koz lo
aktialite politik e tras semen ki nou pou pran
koman en parti serye.**

Nou Pa Pou Zanmen Les Tonbe!

Oli MNA pou defann Lepep Seselwa dan sa Soufrans?

Seselwa ti ganny promet en meyer lavi dan kanapanny pour eleksyon Prezidansyel. Lekonomi ti sipoze pe fer byen e tou dimoun ti pou ganny en bon lavi. Avek Lasanble Nasyonnal, Seselwa ti sipoze ganny en lekup MNA ki ti pou defann li kont bann lefe advers lo pri lavi. Napa kalite parol ki bann kandida pa ti dir. Oli sa bann zoli parol ozordi la ki pri lavi pe tous plafon e Seselwa pe soufer?

Depi eleksyon Oktob in pase, elektrisite in ogmant par 13% lo nivo domestik e 24% lo nivo komersyal. Kot PUC konsomater i zoure letan pe pey bil elektrisite. Me kwa ki bann reprezantan lepep pe dir pou defann Seselwa

dan sa soufrans? Larepons pour tou i tre senp: **NANRYEN.**

Okontrer anba sa bann soufrans nou trouv bann MNA Parti Lepep pe lager avek Minis Finans pour zot kapab ganny zot loto Duty-Free ek lezot konsesyon. Sa in fini vin zot priorite e zot fer li tre kler antre zot ek zot bann dalon. Sanmenm sa bann gerye ki ti pou defann lepep Seselwa e travay pour zot?

Ozordi en pti pake fromaz in ariv R58. Tou komodite in ogmante e gouvnmnan i dir avek Seselwa ed zot lekor e debourye lo zot menm. Me pa sa parol ki Seselwa ti ganny dir pli boner sa lannen letan Mr. Michel ek Parti Lepep tya pe koz lo 'Laviktwar pour Sesel'.

Zot ti plito dir ki gouvnmnan pou diriz sa laviktwar pour ki tou Seselwa i ganny en meyer lavi.

Seselwa, ozordi zot pe ganny en nouvo sans pou analiz parol ek promes Parti Lepep konpare avek son aksyon. Ouver byen zot lizye. Se SNP ki ti defanny zot kont aksyon malapropro sa gouvnmnan. I malere pou dir, me ozordi nou annan en group mersener ki pe debat pour zot lekor e zot in fini oubliy sa pep ki zot sipoze pe defann. Tou le Mardi zot senpleman al fer komedi prepare dan Lasanble. Konmdir sa madanm anler Copolia, 'Ozordi nou annan en Lasanmben Nasyonnal, e non pa en Lasanble!'

Seselwa pa ase bon pour Michel?

Ankor enn fwa nou war ki mannyer gouvnmnan James Michel i met Seselwa an-dernyen. Apre tou sa bann letan kot zot in koz lo 'bravour' nou bann solda Seselwa, letan nou bezwen zot pou defann nou pei, sa menm gouvnmnan i deside anmenn plis etranze pou fer sa travay. Ankor enn fwa, Mr. Michel i deside anmenn Ghurkas pou defann bann peser Seselwa olye donn Seselwa sa posibilite fer sa travay.

Sa desizyon i enn ki vreman drol e Seselwa, enkli bann dimoun dan lasosiasyon peser pe demande si sa i vreman en bon lide. Zot pe demande akoz ki nou bann Seselwa pa ganny posibilite fer training neserer e apre kontribye dan protez nou peser. Sa ti ava en vre laviktwar pour Sesel.

Sa ankor enn fwa i montre nou ki sa gouvnmnan i zis koze. Apre tou sa konferans se zis la apre zot apre ki peser Seselwa in ganny pran otaz ki sa gouvnmnan i mazinen pou protez peser? Sanmenm sa bann plan ki sa gouvnmnan i fer? Aranz zot enpe.

Ki pe Arive avek Air Seychelles?

Air Seychelles i nou lalinny avyon nasyonnal, e tou Seselwa i santi li afyer letan i war son avyon pe anvole. Me kestyon ki nou pe poze ozordi se kwa ki pe arive avek nou avyon? Nou antann bokou keksoz, me napa okenn lanons kler lo kwa ki pe arive. Sa i enkyetan akoz sa lakonpannyen i anploy plis ki 900 dimoun ki ozordi pa konnen si demen zot pou annan en lanplwa oubyen non.

Ti annan en moman kot Air Seychelles ti pe fer gro profi. Me pour rezon ki zis serten i konnen, sa gouvnmnan in prefere les 3 lalinny avyon 5 zetwal ki sorti dan pei Arab kontrol Sesel. Lo lot kote nou war Air Seychelles sorti avek 5 avyon pou desann e annan zis 3 avyon. Eski sa pou permet nou avyon vin pli konpetitiv? Oubyen eski lentansyon se touy nou lalinny avyon e donn lavantaz zot bann dalon Arab?

Ti annan en moman kot nou ti ganny dir ki sa larout ant Langleter ek Falklands pa ti profitab, me selman zot ti kontinyen. Apre ki Mr. David Savy ek son dalon Morisyen ti ganny pouse nou ti antann ki sa lalinny ti pe fer profi. Kote alor eski tou sa larzan ti pe ale avan? Zanmen gouvnmnan in oule fer en lanket dan sa zafer. Me selman la nou war ki sa menm Mr. Savy in ganny apwente koman CEO lotorite aviasyon SCAA. Kisisa tou sala? Mr. Michel pa war?

La nou antann ki byento Air Seychelles pou aret al Sengapour ek Langleter e i pou annan zis 3 vol sorti Paris. Tou sala i anmenn lenkyetid pour Seselwa e pli spesyalman bann travayer sa lakonpannyen. Koz kler avek Seselwa silvouple.

Oli bann reprezantan lepep Seselwa dan Lasanble Nasyonnal? Akoz zot pa demann kestyon? Eski zot in ganny demande pou ferm zot labous e zot pe obeir?

PAS PARTOU

Lasanble bouyon resofe

Nou tya kontan si bann manm sa swadizan Nouvo Lasanble tya fer enpe plis 'home-work' avan zot vin koze. Par egzamp sa mosyon lo later zeritye i en vye mosyon SNP ki ti ganny aprouve depi ler Lasanble ti ankor dan Libreri Nasyonnal. En komite ti ganny apwente, me SPPF ti blok travay e zanmen sa komite ti zwenn. Nou espere ki Cheryl i annan pli bon delwil pou fer li marse!

Sham-Laye ek Poppy

Tou dimoun pe demande ki problemm Minis Sham-Laye i annan avek poppy ki senbol larmistis. Sa senbol i ede pou ranmas larzan pour bann ex-servicemen ki ti fer sakrifis e al dan lager pour ki lemonn i ganny lape. Minis Sham-Laye ti assiste bann selebrasyon, me refize met en poppy lo li. Eski i kapab eksplik nou kwa ekzakteman son problemm?

Joe v/s Ramados

Lager ti pre pou deklare kot louvertir baz coastguard ant Ramados ek Joe Albert. Lensilt ti a ot vwa e tou bann envite ti

anbarase. Kou-d-pwen ti pre pou mele. Ramados i tro krwar i en gran bay. Me selman beze i ti pou gannye, akoz Ton Joe en atlet solid ki an-form.

Ki sa kalite deal?

Sesel pe vin en vre pei 'lobster', savedir nou mars an-aryer. Ordinerman ou anploy en dimoun akoz i annan kalifikasyon neserer pou fer en travay. Pa Sesel. DA i ganny anploye e se zis apre ki i al fer diplom kot SIM. La gouvnmnan in deside fer en kors pour tou CEO pou ekip zot dan zot travay. Vreman sa pei pe pran fon. Zot, Sov Nou Pei!

SNP - Commitment to Democracy